

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 25. Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), na prijedlog Ministarstva unutrašnjih poslova, Vlada Zeničko-dobojskog kantona, na 53. sjednici, održanoj dana 30.04.2020. godine, d o n o s i

ZAKLJUČAK

o usvajanju Programa utroška sredstava pod nazivom „Program kapitalnih ulaganja Ministarstva unutrašnjih poslova za 2020. godinu“ sa razdjela 15, budžetska organizacija 01, potrošačka jedinica 0001, ekonomski kod 821 300, pozicija „Nabavka opreme“ – redovna sredstva Budžeta Zeničko-dobojskog kantona za 2020. godinu

I.

Usvaja se Program utroška kapitalnih sredstava Ministarstva unutrašnjih poslova za 2020. godinu, sa razdjela 15, budžetska organizacija 01, potrošačka jedinica 0001, ekonomski kod 821 300, pozicija „Nabavka opreme“ – redovna sredstva Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20).

II.

Sredstva iz tačke I. ovog zaključka realizovat će se isključivo u skladu sa realizacijom ostvarenih javnih prihoda u Budžetu Kantona i planovima novčanih tokova za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zadužuje se Ministarstvo unutrašnjih poslova da o utrošenim sredstvima po ovom zaključku polugodišnje izvještava Vladu Kantona.

IV.

Za realizaciju ovog zaključka zadužuje se Ministarstvo unutrašnjih poslova i Ministarstvo finansija, svako u okviru svojih nadležnosti.

V.

Zaključak stupa na snagu danom donošenja.

Broj: 02-11-6002/20

Datum, 30.04.2020. godine

Zenica

PREMIJER

Mirza Ganić

DOSTAVLJENO:

1x Ministarstvo unutrašnjih poslova,

1x Ministarstvo finansija,

1x a/a.

PROGRAM

**utroška sredstava pod nazivom „Program kapitalnih ulaganja Ministarstva unutrašnjih poslova za 2020. godinu“, sa razdjela 15, budžetska organizacija 01, potrošačka jedinica 0001, ekonomski kod 821 300, pozicija „Nabavka opreme“- redovna sredstva
Budžeta Zeničko-dobojskog kantona za 2020. godinu**

Član 1.

Naziv programa: Program utroška sredstava za kapitalna ulaganja za 2020.godinu – nabavka opreme – redovna sredstva.

Svrha programa: Nabavka opreme radi unapređenja rada svih organizacionih jedinica Ministarstva unutrašnjih poslova (vozila za interventne timove), a sve u cilju unapređenja rada organizacionih jedinica Ministarstva.

Visina sredstava: 300.000,00 KM

Izvori finansiranja: Budžet Kantona za 2020. godinu

Kriteriji utroška sredstava: Prikazani po projektu u programu (član 2.)

Član 2.

Pojedinačna nabavka opreme iz člana 1. ovog Programa će se vršiti prema nazivu projekta, u okviru planiranih sredstava, kako je navedeno u tabeli:

NAZIV PROJEKTA	PLANIRANA SREDSTVA U KM
OPREMA	300.000,00
- Vozila za interventne timove	
U K U P N O:	300.000,00

Član 3.

Sredstva iz člana 1. ovog programa isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), sa razdjela 15 - Ministarstvo unutrašnjih poslova, budžetska organizacija 01, potrošačka jedinica 0001, ekonomski kod 821 300, pozicija „Nabavka opreme“ – redovna sredstva.

Član 4.

Za realizaciju ovog programa zadužuju se Ministarstvo unutrašnjih poslova i Ministarstvo finansija, svako u okviru svojih nadležnosti.

Broj: 02-11-6002/20

Datum, 30.04.2020. godine

Zenica

PREMIJER

Mirza Ganić

DOSTAVLJENO:

1x Ministarstvo unutrašnjih poslova,

1x Ministarstvo finansija,

1x a/a.